



# MINISTÉRIO DA SOLIDARIEDADE SOCIAL E INCLUSÃO

## Direcção Nacional de Desenvolvimento Social

---

### Termu Referensia

**Konsultor Nasional atu Desenvolve Politika/Protokolu Estabelesimentu Linha HotLine ba vitima Violensia Domestika/Violensia Bazeia ba Jeneru**

**Numeru Referensia : 03/MSSI/DNARH/V/2019**

Periodu hahu : Abril 2019

Durasau : Fulan 12

Salario : \$ 2,250.00 kada fulan

Localidade : Diresau Nasional Desenvolimentu Sosial

---

#### I. Background

Republica Democratica Timor Leste hanesan nasaun foun, post konfliktu nebe ho expandidu ajenda ba desenvolvimentu. Notavel iha realizasaun konstrusaun paz no estabilidade, maibe dezafiu boot eziste ba institusional atu hatan ba ejijensia sidada un tomak iha vulnerabilidade iha nivel nasional, postu administrativu no suco. Ho lansamentu Planu Estratejiku Nasional ba 2011-2030. Planu Governu atu investe boot ba infraestrutur, agricultura, desenvolvimentu rurais no capital sosiais. Liga ho vulnerabilidade hanesan, insidente Violensia Bazeia ba Jeneru nebe iha ejijensia nesidades protesau imediatu, hodi fornese servisu nebe adekudu no sustentavel ba vitimas nebe afetadu husi isidente Violensia Bazeia ba Jeneru. Timor Leste iha prosesu desenvolvimentu atraves husi Ministeriu Solidariedade Sosial e Inklusaun (MSSI) iha oportunidade atu hasae padraun moris populasaun nian liu husi konsolida no eleva sistema protesau sosial hodi garante reinsersau sosial ba grupu vulneravel hotu.

Lei N<sup>o</sup>7/2010 de 7 Julu nebe fó mandatu ba Ministeriu Solidariedade Sosial e inklusaun iha nia Artigo 15 no Artigo 16 iha Lei Kontra Violensia Domestika nebe artikula mos ho Decreto-Lei N<sup>o</sup> 33/2015 de 26 de Agosto, nebe aprovaorganika Ministeriu da Solidariedade Sosial iha nia Artigo 16 N<sup>o</sup> 2, alínea d) pontu ii, hateten katak “Desenvolve programa protesau sosial destina ba vitimas violensia domestika no violensia bazeia ba jeneru”. Objetivu husi programa ne’e atu desenvolve protokolu/politika estabelesimentu linha HotLine ba vitimas violensia domestika no violensia bazeia ba jeneru. Ida nebe atu

fasilita no hatan ba problema ema nebe afetadu husi violensia domestika no violensia bazeia ba jeneru nebe presiza tulun.

Diresaun Nasional Desenvolventu Sosial (DNDS), husi Ministeriu Solidariedade Sosial e Inklusaun mak sei implementa programa ne'e. DNDS hanesan Diresaun teknika nebe responsavel ba kordenasaun mekanismu prestasaun servisu, ba vitimas violensia domestika no violensia bazeia ba jeneru iha Timor Leste. Artikula ho mandatu Planu Asaun Nasional Kontra Violensia Bazeia ba Jeneru nebe lansa iha 2012, atu haforsa protesaun sosial ba vitimas violensia domestika no violensia bazeia ba jeneru, define knaar boot ba MSSI-DNDS atu define, desenvolve, halo intervensaun no monitoriza prosesu prestasaun servisu sosial nebe adekuaudu e sustentavel ba vitimas violensia domestika no violensia bazeia ba jeneru tomak iha Timor Leste.

## II. Komponente programa

Programa iha komponente hanesan tuir mai :

- Komponente 1: Desenha modelu protokolu/politika estabesimentu linha HotLine ba vitimas Violensia Domestika no Violensia bazeia ba Jeneru. Komponente ida ne'e akumula preparasaun, rezultadu, konsultasaun no diskusaun nivel teknika no definisaun modelu protokolu/politika estabesimentu linha HotLine. Tarefa ida ne'e foka liu: (a) preparasaun no konsultasaun ideias ba ambitu protokolu/politika ba estabesimentu linha HotLine; (b) halo identifikasaun ba entidades no elementu nebe importante no relevantes hodi bele apoiu no defini protokolu/politika ba estabesimentu linha HotLine; (c) planu teknika kalenderizasaun atividades ba prosesu desenvolvimento protokolu/politika estabesimentu linha HotLine ba vitimas violensia domestika no violensia bazeia ba jeneru.
- Komponente 2: Desenvolve no finaliza Politika/protokolu estabesimentu linha HotLine ba vitimas violensia domestika no violensia bazeia ba jeneru. Iha komponente ida nee; a) defini elemenetus relevante ba prosesu desenvolve no finaliza protokolu/politika (defini estrutura regulamentu, sistematiza politika/protokolu, elabora dokumentus no hakerek informasoens hotu-hotu nebe rekolla iha prosesu inisiu/konsultasaun). b) defini/finaliza protokolu/politika estabesimentu linha HotLine (prepara dokumentus ikus no apresentasaun validasaun dokumentus protokolu/politika estabesimentu linha HotLine.
- Komponente 3: Apresentasaun "Politika/protokolu estabesimentu linha HotLine ba vitimas violensia domestika no violensia bazeia ba jeneru". Komponente ida nee, akumula prosesu tomak nebe halao, no apresenta

